

Andrei im Naan eo Enana

Jan Julie C. Donaldson

Pedped wöt ioon juon bwebwenato emool

“Inaaj kajjieoñ ukweļok, kōmman emmanļok, nān jar” (Children’s Songbook, 98).

“**K**wōj lōmņak kwomman ļok jān ro jet kōnke kwojjab kanejnei,” Nikolai ej ba ke ej iien kakkije.

“Ejjab mool menin,” Andrei ej ba.

“Innām etke kwojjab ba juon naan enana? Juon wot? Kwoban mej. Aolep armej rej kanejnei.”

Andrei ej kōmakūt aeran.

“Ijjab baj kōnaan.”

Andrei eaar jeļā ke kanejenei enana im ej katoļok Jetōb Kwojarjar. Andrei eaar kōnaan bwe Jetōb Kwojarjar en pād ippān. Kōn menin eaar jab kanejnei.

Andrei eaar kääļok nān jikuuļ eo, innām, Nikolai wöt kar eo wöt ilo kūlaaj jiljino eo an me eaar kōnaan bwe en mōttā-iki. Ak Nikolai eaar akweļap e bwe en kanejnei aolep raan. Im aolep raan Andrei emōk in ba jaab. Ijjelokin, Andrei eaar mijak bwe Nikolai eban kar bar mōttāiki, innām enaaj make iaan.



“Kwōn ba juon wöt naan nana,”

Nikolai ej ba nan e ālkin an mōj jikuuļ. “Innām iban bar kaabōņōņoik eok.”

Āliktata Andrei eaar mōk kōn an kaabōņōņo-ik joņoulruo eaar kanejnei —juon naan me eaar *jab lukkuun* nana.

Nikolai eaar kōmakūt kūt kūt bōran. “Emman, kiiō kwōj juon eo ej mōttam.”

Ālkin menin, ro jet mōttan Nikolai raar jino kōnaan nān Andrei. Raar mōnā in rālep ippān doon im ikkure football ippān ilo iien kakkije.

Ak ilo an pād ilo doulul in ro mōttan Nikolai eaar āinwöt

ne ej pād ilo kauwōtata. Ilo an ļapļok an Andrei kar iiaio ippāer, ekar kōnono im makūt kūt āinwöt er. Im aolepāer rej kanejnei. Eļap. Rej konajnej im rej kalluik doon Rej ba naan ko renana kōn rūkaki ro aer. Rej illu im eļap aer ļāj ilo aer makūt kūt. Jidik kōn jidik Andrei eaar jino an ilulu im ekutkut ļok an kanejnei.

Juon boñ ke Jinen im Jemān raar jako, Andrei im leddik eo jein Katya raar akwāāl kōn pija ta eo nān alooje. Mokta jān an Andrei lōmņak, eaar kajju kanejnei.

Katya eaar lukkuun ilbōk. “Ij ba nān Mama.”

Andrei ekar ko nān ruum eo an im kappokļok kōjem eo. Ta an aolep bōd? Etke aolep rej kōmman bwe en illu aolep iien? Ke ro jinen im jemān rej tōpar ļok mweo, ke Andrei ej kōppeļļok jidik kōjem eo an ej roñ an Katya ba, “Mama, Andrei eaar kanejnei.”

“Ta?” Mama eaar lukkuun bwilōñ. “Andrei ejañin kar kanejnei.”

Andrei eaar kilōke kōjem eo an im okjak ļok ioon peet eo an. Eaar lōmņak joñan an oktak ļok jān ke eaar jino kanejnei. Ebwe an to an jañin bar eņjake Jetōb Kwojarjar.

Andrei eaar bukweļōlō iturin peet eo an im jar. “Jemedwōj Ilañ, ij joļok aō bōd kōnke eļap aō illu im lej. Ij joļok aō bōd bwe iaar jino kanejnei. Ij tin kōmman emmanļok.”

Ke Andrei ej jar, juon eņjake in okmeneen ej eņjake ilo būruōn. Ej kab bar kein kajuon jān iien eo eaar jino kanejnei, eaar lukkuun mōņōņō. Eaar jeļā bwe Anij ej iakwe e, im emaroñ bar eņjake Jetōb Kwojarjar. Eaar eņjake jeorļok in bōd im eaar jeļā bwe emaroñ kar oktak im emmanļok.

Ālkin an jar, eaar kwaļok mool nān jinen im joļok an bōd nān Katya. Andrei eaar eņjake emmanļok eo ālkin iien eo. Ej eņjake an mōņōņō ālkin an ukweļok.



Raan eo tok juon ilo mōn jikuuļ eo, Andrei eaar jab mōnā in rālep ippān ro mōttan Nikolai. Ijjeļokin eaar jijet ippān ajri ro jet me eaar jab jeļā kajjier. En kar bōk iien, ak Andrei eaar jeļā ke enaaj wōr mōttan ro me remman im rekamōņōņō im rejjab kanejnei. Āinwöt e. ■

Rijeje eo ej jokwe ilo Utah, USA.

KJE

IDAJOŅJOŅ EO ŅAE ETAN KJE

Inaaj kōjberbal āt ko etan Jemedwōj Ilañ im Jisōs Kraist ilo kautiej. Ij jamin naaj kanejnei ak kōjberbal naan ko rele” (My Gospel Standards).

Ilo jait eo juon ilo peba eo, je im jiñaik ta eņjake eo aņ kōn naan ko remman. Ilo turajet, je im jiñaik ta eņjake eo aņ kōn naan ko renana.

Riit Livitikos 19:12. Etke eaorōk bwe jen kōjberbal āt ko etan Jemedwōj Ilañ im Jisōs Kraist ilo kautiej?

Kajjitōk ippān juon maņa ak baba ro ak juon ritōl etke jej aikuj kōjberbal naan ko remman im ewi wāween an kōjeraamman er.

Ij idajonjoņ eō make nān . . .

